



Kamis, 24 Agustus 2023

Ogen: 1 Samuel 25:1b-3a



"Abigail"



Gelar Abigail secara etimologi akar katana, Avigayil : abertina Bapa ras gyl ertina keriahen (Indonesia=sukacita). Adi persada suku kata enda, Abigail : 'Bapangku e me keriahen' (Tuhanku/Bapaku adalah kegembiraan).

Gelar Abigali lit ituliskan i bas 1 Samuel 25:3. Abigail, ndehara Nabal. Turi-turinna si idah i bas perdalanen kegeluhen Daud selaku raja Israel paksa si e. Ndehara Nabal e itandai alu sekalak diberu si mejile, bijak, cerdas ras perbahanenna pe mehuli man kerina kalak. Arah pengertin si enda, maka pengarapen kerna kalak si gelarna Abigail, arus mehuli, bijak, cerdas ras pe mejile (mejile rupa ras mejile perbahanen).

Abigail identik ras mejile dingin mehuli. Abigail nuduhkan keleng atena man kalak si lit isekelewetna. Abigail nggeluh selaku ndehara si mereken geluhna ras dirina man perbulangenna aminna gia perbulangenna si tergelar Nabal e me sekalak si mediker/pelit. Banci pe kataken Abigail e sekalka diberu si pentar.

Moria GBKP e me Abigail-Abigail bas jamanna. Memang labo kerina entah banci saja labo lit gelarta Abigail tapi pengarapen gerejanta maka karakter, perbahanen rikut pe ras kebiasaan Abigail lit min i bas diri moria-moria GBKP. Moria si mejile (mejile rupa ras mejile perbahanen) ras mehuli. Moria sincidahken keleng atena man kalak si lit isekelewetna. Moria si mereken geluhna bage pe dirina hanya man perbulangenna saja aminna gia perbulangen e la bagi ukur. Moria si pentar ngalaken erbage-bage persoalen si turah. Moria si makeken talenta alu payo dingin benar. Moria si meteruk carana rukur ras mediate ia nandangi kiniguluten moria sideban, labo moria si SMMS (Senang Melihat Moria Susah; Susah Melihat Moria Senang).

Abigail eme gambaren diberu si i perluken paksa gundari enda, emaka marilah kita jadi moria, ndehara ras nande bagi Abigail.

"Rupa si mejile rikut pe ras perbahanen si mejile"